

in der wuorlachen, die sich darinn sudelt, ir ist baß dan leg sy in aitel rosen. Also thuond auch dise menschen, die setzen ir ruow in den wuost.

Noch seind andere menschen, die selben haben ir ruow gesetzt in die dorn, das seind die geytigen menschen, die selbigen ruowen
 5 in dornen, das ist, sy haben angst vnd not, wie sy zeitlich guot über komen; so sy es haben, so ist angst vnd not, wie sy es behalten, verlieren sy es dann wiederumb, so ist aber angst vnd not da, vmb vnd vmb, hinden vnd vornen; was ist das anders dann dorn, es sticht vmb vnd vmb zuo allen orten, da kumpt ainer vmb das sein, da
 10 verleürt ainer sein eer, daran waget er leib vnd seel vnd verleürt guot vnd eer, leib vnd leben vnd seel, was hilfft sy dann all ir angst vnd not? Dise ruowen wol in den dornen, wann nymer kain ruow da ist.

Noch seind andere menschen, die nit ruowen in den dornen, als dise, sy ruowen auch nit auff dem felsn Cristo, als die guoten hufelin,
 15 sonder ir wonung ist auff den hohen bergen; dise haben ire sinn vnd begird über sich aufgehebt zuo hohen dingen, aber nit zuo gott. Dise lauffen auch den berg auff, die forderen fueflin seind jn auch kurtz, das ist, ir begird vnd annuot zuo gott ist jnen kurtz, vnd die hindern fueß seind jnen lang, das ist, begir zuo zeitlichen dingen ist jnen
 20 lang. Das seind die hoffertigen menschen, die da fechten nach fippigen eren. Es seind auch etwann die in den clostern, die da fechten nach hohen ämptern, da wer die geren Priorin, da wer die geren Suppriorin, da wer die geren schaffnerin, da wer die geren küchenmaisterin, so wer die geren gartenmaisterin, so wer yhenen geren an das rad,
 25 vnd wenn sy an das rad komen vnd man zuo jnen gnad frauw spricht, so thuot es jnen wol, sy nemen nitt feigen dar für. Dise lauffen auch den berg auff, aber nit den felsn, sy fechten tag vnd nacht, wie sy zuo hohen ämptern komen, aine bringt es woll durch den neünden zaun zuo wegen, das sy an ein söllich ampt kompt; wenn
 30 der visitator kompt, so spricht man: Lieber herr vatter, thuond die von dem ampt, sy ist kain nütz daran, thuond die daran, vnd kurz es hat niemant kain ruow vor jnen, sy wöllen härfür gezogen sein, da ist nicht für. Bist du darumb in das closter komen, das du woltest schulthais im closter sein, ist das nit dein mainung gewesen, das
 35 du woltest nach üppigen eren fechten, das du woltest fliehen in der welt, das suochest du erst in dem closter, da du soltest dein hertz abzerren vnd tag vnd nacht allen dein fleiß an keren, das du zuo friden deines hertzen komen möchtest, so mechtestu dir erst selber vnfriden vnd vnuow; wann ain solicher mensch hat weder frid
 40 noch ruow in seinem hertzen. Disen seind die forderen fueflin auch kurtz, sprich ich, das ist, sy haben klainen zuokerr zuo got, kurtzen annuot, selten im chor, selten im capitel, andrauwen sprechen sy, wir haben mit vnsern ämptern zuo schaffen, es seind die amptfrauwen, sy haissen nitt amptschwesteren, es seind amptfrauwen vnd wenn sy
 45 zeit oder jm psalter beeten, so schlahen sy es über ainander, bald bald, das sy dar von komen. Wie kompt das? die fordern fueflin

1 wuorlachen, Pfütze an einem wuor (Wehr).